



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

Titulus II. De secundo modo procedendi per accusationem

urn:nbn:de:hbz:466:1-11416

ad allegandas omnes suas defensiones. Quod si delicta in tormentis confessi postea revocet, licet iterum torqueri possit, non tamen torquendus est in infinitum, quamvis ad tertiam usque torturam torqueri possit, in qua si confiteatur, & postea neget, non videtur condemnandus teste Claro q. 21. num: 25. Idemq; est, si semel tortus sufficienter fuisset, ita ut prima illa tortura censeretur tribus & quivalens, non posset amplius torqueri, nisi nova iterum indicia superveniant. Clar: q. 64. quia per torturam toleratam priora indicia infirmata sunt, per L. unius. ff. de quæst.

TITULUS II.

DE SECUNDO MODO PROCE-
dendi in Iudicio criminali per
accusationem.

C A S U S.

Sophocles, Tragocdiarum Scriptor excellentissimus, cum propter nimium studium, rem familiarem negligere videretur; a filiis in judicium voca-

vocatus est, ut illum quasi desipientem à re familiari removerent iudices. Ipse verò ne vel ob ætatem, vel aliundè demens videretur; coram iudicib^o eā Tragoëdiā recitatā quam in manibus gerebat, & proximè scriperat, persuasit. Et ita sententiis iudicū liberatus. *Cicero libr: de Senectute.* Quæritur, an jure potuerint accusationem deponere filii cōtra Patrem?

Resol. pete ex num. 13.

I.

Accusatio secundum *Hofst: b. tit. insim:* est criminis alicuius apud Judicem competentem, vindictæ publicæ causa inscriptione interveniente legitimè facta delatio. Colligitur hæc descriptio ex *L. fin. C. de accus:* & communiter receptam esse tradit *Clarus q. 12. num. 1.* Differt ab inquisitione, quod hæc fiat ex officio Judicis, nullo accusationem, denunciationem vel querelam criminis deponente: illa verò ad instantiam accusatoris, aut alterius querelam deponentis, aut ipsius partis,

S 3 quod

quod sua interest postulantis: est enim talis naturæ accusatio, quod non procedat nisi ex publico crimen vel privato, & quando agitur criminaliter: in quo casu quidem necessarius est libellus per L. libellor. ff. de accus. sed formatur aliter quando civiliter agitur, ut infra mox videbimus. Dixi ex publico crimen, intellige gravi crimen prorumpente in actum externum, nam cogitationis pœnam nemo patitur, nec inde potest accusari, quia secreta cordium soli Deo patent. L. cogitationes ff. de pœn. Unde si in jure inveneris quempiam de cogitatione puniri, intellige quando cogitatio externo opere consummatur, sicut intelligitur L. si quis non dicam C. de Epis. & Cler. Item requirit accusatio accusatorem, sive crimen publicum sit sive privatum L. ult. C. de accus. & L. ult. C. de privat. delict. nam ibi dicitur, quod nullus sine accusatore damnatur, & Deus noluit etiam mulierem in adulterio deprehensam sine accusatore damnare: quamvis in casibus quibusdam secundum aliquos sine accusatione procedatur ad pœnam, ut in crimine suspecti tutoris L. Nullum. ff. de testib. & L. 3. ff. di

de suspect:tutorum.item in crimen notorio
L.ea quæ C. de accus: L. Apostatarum. C. de A-
postat: Item quoties crimen in modum ex-
ceptionis opponitur cap.super de his accus:

2. Verùm sicut in civilibus ita in cri-
minalibus causis exigitur libellus sive de
crimine civiliter agatur, sive criminali-
ter. L.libellorum. ff de accusat: præterquàm
in levibus criminibus, quæ de plano di-
scutienda L.levia ff. de accus: Debet autem
de jure communi libellus accusatoris
continere 1. nomen accusatoris, & ac-
cusati, ut constet quis sit accusator, &
quis accusetur (quanquam si nomen ac-
cusati ignoretur, possit describi ex habi-
tu, officio aut aliis circumstantiis) 2. no-
men Judicis coram quo crimen deponi-
tur, ut constet, an is sit competens. 3. spe-
ciem criminis in individuo locum, men-
sem, annum commissi criminis, alias ac-
cusatio redderetur incerta, & proindè
ipso jure nulla etiam parte non opponen-
te. Clarus hic. qu. 12. num: 9. eripereturque
reo facultas se defendendi. 4. personas in
quas aut quibuscum patratum dicitur.
An horam & diem? Non, nisi id reus pe-

tat, ut scilicet negativam loco & tempore
 coarctatam, puta si eo die fuisse se in alio
 loco remoto à loco delicti probare pos-
 sit. 5. subscriptionem accusatoris ad pœ-
 nam talionis continere debet, non tan-
 tū in publicis delictis, verūm etiam in
 privatis criminaliter intentatis. L. fin. ff. de
 privat. delict. quod constitutum est, ut ho-
 mines arceantur à calumniis L. pen: & ibi-
 dem. 4. Gl: & ne innocentia alicuius te-
 merè periclitetur & vim patiatur. Formu-
 la subscriptionis hæc est. Ego Titius profiteor
 hunc me libellum dedisse; profiteor etiam pœ-
 nam calumniae me subitum, si in probatione
 defecero: ita Rofred: Benevent. parte 7. b.
 tit. qui ibidem variū generis libellos accu-
 satorios producit. Ecce hunc super crimi-
 ne homicidii: Ego Lucius accuso Titium co-
 ram vobis Domine Iudex, quod ipse occidit Ca-
 jum in Urbe Romana in platea Lateranensi hoc
 anno, mense Novembris. Vnde peto ipsum lege
 Corneliam de sicarijs puniri: profiteor ego Lucius
 & subscribo me hunc libellum dedisse An: 1550.
 mense Ianuarij & me hanc accusationem legit-
 mè probaturum promitto, & si calumniosè hunc
 accuso, me ad pœnam calumniae aut talionis ob-
 ligo.

ligo. Vide ultra. *L.libell. ff. de accus: & Can: fin: §. libellorum. 1.q. 8. & de his fusè Greg: Tholof: lib. 3.tit. 9. cap: 4. quamquam ho-*
diè pœnam talionis passim à foro per con-
suetudinem recessisse afferat Felin. in cap.
super his not. ult. h. t.

3. Videamus nunc, quā Ratione præsentatis libellis accusatoriis ultrà procedatur. Et quidem coram Præside impri-
mis debet comperare accusator dicens. Domine ego volo accusare N. Domine
citetis ipsum. Certè secundum jura, licet
fortè de consuetudine in pluribus locis a-
liud servetur, sic Præses procedet. *Tu vis*
(dicit accusatori) *quod ego citem talem*
quem vis accusare: modo obligaste, quod tu ac-
cusabis & præstabis omnia, quæ ratio accusatio-
nis exigit: citabo eum: Itaque citabitur ac-
cusatus, si vult se obligare accusator, ali-
ter non: nullus enim est citandus ve ex-
hibendus, nisi quem Judex præceperit L.
Nullus. C. de exhib. reis L' neminem C. qui accu-
sare non possunt. Nisi in quibusdam casibus,
in quibus possunt sine mandato Judicis
exhiberi etiam inviti, quales censentur
desertores militie, latrones publici, rapto-

res virginum, falsi monetarii, cum enim istos liceat jure occidere (si alia via defensionis non suppetat) multò magis licebit invitatos adducere, ut habet L. i. & 3. C. quando liceat unicuiq; sine iudice se vindic: & L. unica C. de rapt: Virg: Imò fortè idem in fure erit, ut liceat ipsum invitum representare, licet non occidere nisi in casibus fortè ut ff de furtis L. interdum. §. qui furem. Porrò non videatur mirum in accusatione criminali, quod sic obliget le accusator, nam & simile quid habetur in civilibus secundùm jura, esto de consuetudine causarum non ubiq; servetur: nam in civilibus non priùs citabitur reus, nisi actor caveat se contestaturum litem infra duos menses, & quod omne damnum illi resarciet huius occasione passuro si non fuerit se litem contestatus, ut habetur Autent. libellum. C. de litis contest.

4. Sequitur de citatione aliquid dicamus. Certè sicut in civilibus regulariter citandus est reus edictis tribus aut uno peremptorio pro omnibus juxta dicta sup. cap: 3. tit. 2. de cit. n. 2 & L. ad peremptorium. ff. de jud: Autent. qui semel. ff. de re judic: ita

& in

& in criminalibus citandum esse dicunt
jura L. absentem ff. de pœnis. singulis citatio-
num edictis interposito 30. dierum spa-
tio, *juxta Authen.: qui semel C. quomodo &*
quando Iudex. Sed antequam accusator li-
bellum porrigat, fidejussorem de illâ ac-
cusatione prosequenda dare debet. Per *L.*
qui accus: non poss: & similiter accusatus da-
bit fidejussorem judicio listi, si tale crimen
sit, quod fidejussori committendum sit:
alioquin in causa capitali carcere claude-
tur, quod pariter dicendum de accusato-
re, si in criminè extraordinario accusatio-
nem fundaverit: quamvis tutius videatur,
si ab accusato reperitur propter pœnam
calumniæ, ut *L. Divus Pius. ff. de cust: & ex-*
hib. reis. Verùm hęc locum habent reperto
accusatore & accusato: his autem non re-
pertis, aut alterutro eorum v. gr. accusa-
tore eius contumacia punitur, & mulcta-
tur sextâ parte mobilium & sumptuum
fusione quos accusatus fecit, si compare-
at, *juxta L. qui crimen C. qui accus: non poss:*
Nec obstat Lex 1. ff. de prævaricatione. & alia
jura, dum dicunt accusatoris contumaci-
am puniri in criminib^o pœnâ Turpilliani,

quæ est 5. librarum auri. Respondetur
huiusmodi leges loqui de punienda con-
tumacia accusatoris in diversis casibus, si
enim accusator contumax fuerit antelitis
contestationem, locum habet lex illa qui
crimen C. qui accus: non poß: Si verò contu-
max sit lite contestata, punitur tunc pœ-
na Turpilliani, id est, 3. parte mobilium
& sic intellige L. i. C. ad Turpill. Rofred.
parte 7. tit. de accus: qualiter punitur contu-
macia accusatoris & accusati.

Cæterūm neutro in contumaciam de-
veniente, sed utrōq; coram Judice seſi-
stēte, Præfes dabit libellum accusatorium
& accusatus recipiet, proponens excepti-
ones dilatorias, si quas habet ante litis
contestationem, quia sicut possunt oppo-
ni in civilibus ita & in criminalib⁹ ut ff. ad
Leg. Iul: de adulter. Si autem non habeat di-
latorias, litem contestabitur, & jurabit de
calumnia, & contra confitentem dabitur
sententia ut ff. de exhib: reis L. si confessus. Si
negaverit, probabitur contra eum pera-
pertissimas probationes, non autem per
præsumptiones L. sciant C. de probat. nisi in
certis casibus, puta si inveniatur solus cum
sola

sola in lecto jacens, in locis secretis & latibus, presumuntur fornicarii. *cap. literas. de praesumpt.* Inducentur ergo testes in praesentia actoris & rei, qui personaliter intererunt, non autem per procuratorem, (*L. pen. §. ad crimen ff. de pub. jud. præterquam si universitas accuset L. tam collatores. lib: 12. C. de re milit:*) probatoq; delicto Reoq; confessio in eum condemnationis sententia dicetur, nulla ei regulariter appellatione concessa. *L. observare. C. quorum appell: non recip.* & haec omnia procedunt, quando accusator & accusatus fidei iusso ri committuntur. *vide Rofred: sup. loco cit.*

6. Resolvenda restant nonnulla circa personas, quæ ab accusando repelluntur, vel contraria. Et quidem diversæ sunt cause, ob quas aliqui accusare non possunt. Prima est ratione sexus, sicut Mulier nec arbitr, nec iudex, nec procuratrix esse potest: ita neq; accusationis Officium exercere valent, quia sic clarè statutum *L. qui accusare. ff. de accus: L. cum Prætor. ff. de procur.* imò etiam *L. alienam. C. de Procur.* neque tutrix esse potest nisi filiorum. Unde dicitur, *arbitrij librum non tractet fœmina nullum.*

nullum. Resciat arbitrij librum nec iurgia pen-
set. Quæ melius pensat: pensa columque gerit.
Fallunt tamen predicta in. 7. casibus. Nam
primo accusare potest Lege Cornelia te-
stamentaria de fal. L. 1. de testamento fal-
si materni vel paterni liberti accusare po-
test. 2. si prosequatur injuriam suam vel
suorum, qui autem sui sunt, habetur *ff. de*
accus. L. 2. & C. qui accus: non poss: sed hoc est
commune omnibus, qui accusare prohi-
bentur, ut *ff. de accus.* C. h. i. tamen omnes. 3. si
velit accusare L. Jul. de anno, & hoc pro-
pter publicam utilitatem, contrà extra-
ctores annonæ, aut iniq; vendentes, ut *ff.*
ad L. Iul: de annona. 4. in L. Julia Majestat:
nam & conjurationem Catilinæ mulier
detexit, & Marcus Tullius Consul judici-
um eius instruxit ut *ff. de accus.* L. in questioni-
bus. 5. in crimen suspecti tutoris ut *ff. de sus-*
pect: tut. L. 1. 6. in crimen simoniæ, ut *cap:*
tanta desim: 7. in crimen hæresis, ut *dedi-*
vort: cap: de illa. Sicut ergo mulier non ad-
mittitur ad accusationem publici crimi-
nis, ita nec conceditur ei intentare accu-
sationem popularem, nisi causa ad eam
pertineat, ut *L. mulieri, ff. de populari actione.*

7. Se-

7. Secunda causa est ratione ætatis, ob
quam pupillis & impuberibus accusatio
prohibetur *L. qui accusare. ff de accus:* Ra-
tio: quia eorum ætas, quid videat, igno-
rat. ut *C. de fal: monet: L. 1.* præterquam in
duobus casibus: quando nempè mortem
patris exequitur, aut avisui, aut Lege Cor-
nelia testamentaria contra testamentum
patris, & tunc quidem cum auctoritate
tutoris, & intelliges de pupillo doli capa-
ce, ut *ff de accus. L. 2. § ult.* quæ explicatio
semper adhibenda, quoties jura in con-
trarium adferuntur: id quod desumitur
ex *L. clarum ff. arg: C. de auct: tut:* Quid de
pubere? certè ille admittitur ad accusan-
dum cum auctoritate tutoris, ut patet ex
L. clarum. & ex quo de pupillo excipi-
tur; ergò in adolescente secùs: quia casus
excepti firmant regulam in casibus non
exceptis. An minor 25. annis de adulterio
accusare potest? Non potest auctoritate
L. Jul: de adulter. & assignatur ratio *ibidem.*
quia non est visus idoneus accusator, qui non est
robustæ ætatis: quod nisi velit propter matrimo-
nium violatū accusare, tunc admittatur: idem-
que notat *Azo in sum: C. qui accus: non poss.*

Alii

Alii dicunt quod nec pupillus, nec minor 25. annis accusare potest de publico crimine, nisi prosequatur injuriam suam, quia non est maior ratio de crimine adulterii & quolibet alio. Sed disparitas forte adferri posset, quod in adulterio transactio intervenire non possit ut L. *transg. ff. de transact.* Ut ut sit in testem tamen non admitteretur minor 25. annis in causa criminali, propter lubricum sui consilii ut L. *testium. §. lege Iulia. ff. de testibus.*

8. Tertia causa desumitur ex ratione Sacramenti; ob' quam milites stipendiati accusare non nisi suas suorumq; injurias prosequantur, possunt. ita L. *non prohibentur. C. qui accus: non poss.* Cuius ratio est, ne propter huiusmodi accusationes, à suis signis avocentur *ut arg. C. loca. & conduc. L. ultim.* In duabus tamen aut tribus casibus admitti solent. 1. in crimen læsæ Majestatis per C. *ad L. Iul: Maj: L. nullus.* 2. pro annonae fraudata, nam cum pro pace excubent potius, sunt ad hanc accusationem admittendi quam alii: ut L. *mulierem. ff. de accus.*

9. Quarta causa est, ratione summi Ma-

Magistratus, ob quam prohibentur ab accusando præsides provinciarum, justitiae, aliiq; omnes, qui habent cognitionem meri vel mixti imperii. de quibus vide L. qui accus. ff. de accus. propter dignitatem potestatis, in qua agentes sicut sine fraude in jus vocari non possunt: ita nec alias vocare valent: D IX I summi Magistratus: quia Magistratus inferiores, ut sunt defensores civitatum, potestates ad accusandum admitti possunt. L. quemadmodum. ff. ad L. Aquil forte quia non est tantum fraudis periculum.

10. Quinta causa desumitur ex proprio delicto ob quam ab accusatione repulsam meritò patiuntur infames. L. quis accusare 8. & seq. ff. h.t. lib. 8. & 12. C. eod: nisi & hi suas suorumq; injurias prosequantur: aut certè in casibus, de quibus. L. nullus. maj. C ad L. Iul. maj. & præterquam in criminе Simoniz. cap. tanta. de Sim. idem q; crederem in criminе hæresis, quod est majus ex objecto criminе læsæ Majestatis, ut. 17. q. 3. & in criminе fraudatæ annonæ, ut L. mulierem ff. de accus. Qui autem sint infames, habes ff. de his qui not. infam. per.

per totum. sive sint infames ipso jure, sive ipso facto sive per sententiam, ut ibidem ponuntur exempla: & sicut infamato interdicitur accusatio, sic & accusatio popularis, ut ff. de pup. act. L. popul.

II. Sexta ratio repellendi ab accusacione censetur, turpis quæstus, ut qui duo iudicia adversus duos reos subscripta habet vel nummos ob accusandum vel non accusandum accepit ut *L. qui accus. ff. de accus. can. prohibentur. II. q. 1.* de primo præsumitur, quod ratione quæstus vult tertium accusare, de secundo etiam certum est, quia in incertis non in certis conjectura loc⁹ est, ergo duos licet simul deferre, non autem tres. *OPPONES L. eos §. L. Julia ff. de accus.* dicitur quod duos accusare possum, si meam prosequar injuriam, item *L. cum rationibus. C. qui accus. non poss.* habetur quod de duobus reis simul quis eodem tempore quæri non potest. *L. eos cit.* Alibi iterum habet lex, quod tres possum accusare, si injuriā meam prosequor ut *ait L. cum rationibus.* Alibi etiam jura dicunt, quod etiam si injuriā meam prosequor, duos non possum similiter accusare,

ma-

marem & fœminam. ut C. de adult. L. reos
 & C. ad L. Jul. de adult. L. si maribus §. ult. A-
 libi item dicūt jura, quod si duos reos ma-
 ritus ex aliquo crimine habeat, potest ta-
 mē tertium de adulterio accusare, quoni-
 am ea causa, scilicet causa adulterii, nō ca-
 dit in numero cæterorum. ut ff. ad L. Jul. de
 adult. L. inter. §. ult. & alibi jura censem, 111
 quod adulterum vel adulterā & illam quæ
 domum præbuit vel consultò fecerit, ut
 crimen redimeretur, accusare possum, ut
 L. nihil interest. §. ultim. ff. de adult. & deniq;
 dicunt jura, quod unus tres accusare po-
 test. ut C. si reus vel accus. mor. fu. L. i. quo-
 modo hæc subsistunt? Respondetur cum
 distinctione, aut unus accusat duos vel
 tres, vel plures de diversis criminibus, aut
 eodem. Item aut prosequitur quis injuri-
 am suam & suorum, aut publicam accusa-
 tionem: si de diversis delictis & in diver-
 sis libellis, tunc duos accusabit, tertium
 non, nisi prosequatur injuriam suam vel
 suorum, & tunc potest in eodem libello: si
 autem de eodē crimine unus plures accu-
 saret, posset & fortè in eodem libello: licet
 quidam dicant quod cuilibet libellus dan-
 dus

dus esset. per L. eos cit. §. lege. & L. libello-
rum. §. pen. D I C E S si plures accusare ve-
lint unum; non possunt, imò unus eligi-
tur ad accusandum. ut L. si plures ff. de accus:
ergò neque unus poterit accusare plures.
Respōdetur disparitatem esse in eo, quod
si plures accusarent unum & in accusatio-
ne deficerent, cum calumniātes poscat
ad vindictam similitudo supplicii ut L. ill:
C. de accus: Máxima hæc esset inæqualitas,
& tot occiderentur pro uno solo, qui es-
set occidendus si convinceretur: at quan-
do unus accusat plures aut probat contra
unum, & tunc ille condēnabitur, & ni-
hilominus procedētur contra alium, con-
tra quem si probat, similiter & ille con-
demnabitur, si non probat, vel contra pri-
mum vel contra secundum, punitur accu-
sator: & sic nulla iniquitas in hoc casu e-
mergit.

Ex quo SEQUITUR; si Universitas de-
lictum in aliquem committat, posse omnes
de ea accusari, etiam criminaliter L. me-
tum. ff. quod metus causa. posse item omnes
puniri: ut **C. de remilit. lib. 12. L. tam collatio-**
nes. & quamvis in eo casu posset Univer-
sitas

sitas syndicūm constituere, contra com-
munitatē tamē sententia ferenda esset.

Porrō qui receperunt pecuniam ob
non accusandum de illis planum est, quod
accusare non possunt, propter pactum
appositum, licet turpis quæstus sit: sed il-
lī qui receperunt ob accusandum eodem
modo repelluntur ob turpem quæstum,
& talis contractus est nullus. L. generaliter.
ff. de verb. oblig:

12. Septima ratio repellendi ab accu-
sando est, si sunt socii & participes crimi-
nis eorundem, qui accusant ut L. si liberum
C. de liber. caus. C. de Episcop: & Cler: si quem-
quam; sicut etiam nec in testes admittuntur
ut L. quoniam C. de testib. idemq; est, si for-
tè simile crimen commiserunt, ut L. viro
ff solut. matr. nisi ut supra dictum profe-
quantur suam suorumq; injuriam. De his
qui repelluntur ob paupertatem ab accu-
satione quid juris? Dico recte rejici: quia
de iis est suspicio & præsumptio corru-
ptionis L. nonnulli de accus: in P. can. prohi-
bentur. 2. q. 1. si non habeant 50 aureos in
bonis vel centum \$. sed nostra de success. li-
bert. cogit enim paupertas ad immania, ut
etiam

etiam audeat Pater ideo vendere proprium filium *L. 2. de Patr. qui fil. dist.* quamquam hodie cum probitas hominum non ex pecuniis pendeat, si ea & fides in paupere eluceant, bonus Judex non ideo accusacionem contemnet. *L. nec ei §. 1. de adoptionibus §. fin. de susp. tut.*

13. Octava ratio rejiciendi accusatorem est status conditio, *L. qui accusare ff. de accus.* ob quam frater fratrem non accusat de graviori & capitali criminis nec soror sororem, nisi propriam injuriam prosequatur, & si de facto id ausus fuerit, exilio punitur *L. si sororem C. qui accus. non poss.* *L. si magnum eod.* Sanctio haec humanæ Societatis & amicitiaæ Fraternæ causa conservandæ videtur inducta, quæ maxima est, ut contra dum in inimicitiam degenerat, odium ferè habet implacabile, & domorum & familiarium subruit fundamenta. Intercedit ultrà amicitiam & communem vitam in Patre & filio pietas & reverentia, quo sit ut ne filius Patrem accusare possit *cit.* *L. qui accus. §. fin. de accus.* & inter causas ingratitudinis exhereditatis legitimæ illa est *§. causas ut cum de appell.*

cog:

cog: in authen: collat: 8. si filius Patrem in
 criminalibus causis accusaverit, vel per
 delationem suam fecerit grave stipedium
 sustinere: & revocatur per Patrem dona-
 tio facta filio tanquam ingrato, si ei ali-
 quod vitæ periculum intulerit, L. fin. C. de
 revoc: dōat. quod & in matre locum habet,
 etiam si ad secundas nuptias transiverit,
 Authen: quod mater. C. eod: Et ob officium
 paternum receptum non licere alumno
 eum, apud quem enutritus instar filii est,
 accusare L. iniquum C. qui accus: non poss: Ve-
 runtamen non eadem servantur in Patre
 erga filium, imò Pater si velit potest accu-
 sare filium ut contumacem, ut infidian-
 tem morti, si pietas & ratio naturalis non
 revocat animi sui intentionem. L. propter
 infidias C. qui accus: non poss: extat & Alex:
 Cæsar: rescriptum in L. 3. de patr. potest: C.
 quo pater jure proprio scilicet potestatis po-
 test corrigere filium, eumq; ut contuma-
 cem offerre Præsidi Provinciæ, dicturo
 sententiam, quam ipse pater voluerit, id
 ipsumq; statuerunt Valerianus & Galien.
 L. congruentius de patr. pot. sic Ulp: L. nequic-
 quam. §. de plano offic: procons: Judicis autem
 offici-

Officium in istis paternis delationibus erit
mitius, quam rigor juris postulet crimen
punire, ne pater ad supplicium videatur
filium detulisse & ita carnificis officio
functus L. milites agrum. 13. §. fin de milit.
alioquin capite puniendus. L. non omnes §.
desertor eod: & morte mulctandus. Deut:
capite 2.

14. Neq; etiam liberti patronos accu-
sare possunt cit. L. qui accus. in fin. quamvis
eis de eorum nimia sævitia conqueri apud
Præfectum Urbis liceat, ut & servis ad-
versus Dominos L. 1. §. servus & §. quod
autem dictum. de offic. Præf. Urbis. Et quam-
vis crimen læsæ majestatis à servis & liber-
tis obiici possit Dominis & Patronis L.
qui cum natu major. §. si libertus de bon. liber.
non tamen facile nec nisi cum aliis con-
currentibus probationibus Tholos lib. 32.
cap. 13. n. 1. & 2. Ratio quia miserrimum
est, pro cane leonem & viperam domi nu-
trire & intra penates, ubi asylum ab inju-
riis inimicorum tutissimum est, à propri-
is servis, quos fidos putamus, observari &
invadi L. 1. ad S. C. Syllan.

15. Rejiciuntur & aliæ personæ aliis de
cav-

s erit causis, de quibus vide Host: in Sum: titul. de
 imen accus: Gl: in L. qui accus: eod. certum est pro-
 eatur hiberi ab accusatione eum, qui eundem
 fficio eiusdem criminis semel accusavit & ab ac-
 milit. cusatione destitit, L. qui destitit. ad SC. Tur-
 ines §.
 Devt: pill: destitisse autem ille videtur, qui pror-
 sus animum implendæ accusationis dese-
 ruit, non distulit aliqua causa proseq̄ui L.
 accu- fin: C. ad SC. Turpil: dummodo intra bien-
 amvis nium prosequatur omissam accusatio-
 apud nem, quia lis criminalis ultra non proro-
 is ad gatur, & post biennium absolvitur reus vel
 . quod damnari debet L. fin: ut int: cert. temp. crim:
 uam- quæst: term: lib. 9. C. tit. 44. destitisse etiam
 liber- videtur qui reo condemnato, sed provo-
 nis L. cante non prosequitur appellationem L.
 liber. 1. §. fin: ad SC. Turp: libr. 6. C. tit. 35. at qui
 con- nondum cepit non dicetur destitisse, etsi
 ib. 32. dicat se velle accusare & tamen libellum
 in nu- non porrexerit præsentis accusationis,
 inju- Paul: L. quæsum 5. eod: lib. 1. C. eod: sed ne
 propri- quis qui cepit & morte rei delistit, nam
 vari & cum morte rei crimen extinguitur, con-
 sequenter & accusatio cit. L. in senatus con-
 sultum. §. si propter mortem ad Turpil. Idemq;
 liis de obtinet si & accusator ipse moriatur pen-
 cau- dente,

T dente,

dente iudicio L. fin. si reus vel accusator eodem: nisi alius accusationem continuet, quod licet L. libel. §. fin. de accus: pari modo si Tutor nomine pupilli accuset, & is deceperit, Tutor non tenetur accusacionem persequi Ulpian: in L. D. Adrianus 14. ad Senat: Consult: Turpil: & impunè desistit. SIMILITER & is, qui semel à crimine absolutus est per sententiam definitivam, iterum nec accusari ab eodem nec ab alio potest regulariter. Capit. de his. 6. & ibidem DD. h. tit. ut neque semel condemnatus ac punitus. Marant: 6. par. num: 49. nam de eiusdem hominis admisso sæpius queri non debet L. licet 6. in fine ff. nisi forte ex collusione primi accusatoris secundus doceat perperam absolutum fuisse L. 3. §. nam si de Prævaric. cap. repellantur. 7. cap. chm oporteat. 19. tit.

16. Præterea non accusant inimici vel eorum familiares cap. meminimus 13. h. tit. quia præsumitur eorum accusatio profici sci ex odio: item infames, criminosi, ut homicidæ, fures, malefici, sacrilegi, raptores, conspiratores cap. conspiratores, & cap. nullus h. tit. Denique Laici regulariter ab accu-

accusatione Clericorum repelluntur in
criminalibus can. sicut 6.11. q.7. sicut & cle-
ri ab accusatione Laicorum can: sicut 2.
qu.7. nisi sint sacerdotes, qui plebeios su-
os deferunt can: decretum 2. q. 7. neq; cle-
ri maioris ordinis clericos accusabunt,
Can: majorum eod: quod ad honestatem re-
ferendum est: nam jure ipso contrarium
verius est; & admittitur monachus & in-
ferior accusator sui Prælati etiam expen-
sis monasterii Cap. dilecti de major. & obed:
Can: quapropter. 2. q. 7. temere tamen non
admittuntur accusatores contra suos Pre-
latos can: sunt plurimi. 6. q. 1. Dixi regulari-
ter, quia de occultis quibusdam criminib-
us Ecclesia Laicos adversus clericos ad-
mittit v. gr. Simoniâ, hæresi, criminie læsæ
Majestatis cap. licet Heli. 31. inf: de Simoniâ
idemq; est, si fortè Laici suam vel suorum
injuriam prosequantur, ut supra dictum:
quæ omnia ut facilius memoriæ impri-
mantur Gl: ad cap. 1. h. t. his versibus com-
prehendit.

Fœmina, pupillus, delatus, criminе tentus,
Suspectus quæstu, corruptus, sortilegusq;
Infamis, servus, pauper, cum milite Princeps.

*Libertus, socius socium, nec non inimicus.
Clericos, Ecclesiam, nullus deferre valebit.*

Qui tamen omnes ab accusatione non excluduntur, si suam aut suorum injuriam prosequantur mortemvè defendant *L. hitamen 11. ff. b. t. L. 8. C. eod.* Exceptis liberis, libertis & alumnis, quibus nec hoc quidem casu Parentem Patronumq; accusare conceditur nisi civiliter agatur *ut.* *L. hitamen cæterùm observandum est,* ho- diè munus accusandi apud sæcularem judicem deferri procuratoribus fisci: apud Ecclesiasticum verò judicem aliquibus electis & probatæ fidei Clericis, qui Promotores aut Procuratores, Fiscales aut Syndici interdum etiam Nuntii dicuntur, & tales non debent se inscribere, quandoquidem necessitas officii eos liberet à suspicione calumniæ, nisi hæc manifestè appareat *L. post Legatum s. §. advocatione. ff. de his qui ut indigni.*

17. Quid si crimen fuerit abolitione remissum, nunquid potest accusatus ab eo vel ab alio accusari. Respondeo Ne- gativè *L. qui destitit. ad SC. Turpil: L. ACCU- sationem C. qui accusare non potest. nisi impe- trave-*

traverit à Principe abolitionem abolitionis intra 30. dies à die prioris abolitionis computandos. L. i. C. de abolit. Attamen reus ab accusatore per abolitionem hanc liberatus, poterit ab alio accusari de eo criminis, si secundus ostendat priorem accusatorem collusisse cum reo & prævaricasse. L. si quis homicidij crimen de accusat: C. Can: fin. de collus: deteg, quia & judex tunc ex officio inquirere potest. L. i. & 2. eod: Repetere quis potest præterea huiusmodi abolitas accusationes si suas vel suorum prosequatur injurias. L. si cui crimen. §. de iisdem criminibus. de accus: dummodo jam ante delatus, à reis exemptus fuerit, aliâs non. L. hi tamen. §. si eo.

18. Regula universim constituenda de iis, qui accusari possunt: posse omnes, qui de criminis condemnari possunt, accusari: iisdem rationibus, quibus diximus sæpè interesse Reipublicæ puniri delicta, & inde nota esse. L. cum qui notentem. de injur: Ergo & accusantur Pupilli proximi pubertati, quia capaces doli censentur. L. Pupil: lum 112. de reg jur. Nec minor ætas impunitatem dat, L. impunitas. C. de pœn: nec

sexus. Can: si quis cuiuslibet. 21. quæst: 5. C. I.
 & 2. de def: puer. ob quod accusare licebit
 liberos & servos, dummodo servi ex his
 criminibus, quibus accusantur, pœnâ pu-
 blici judicii puniri possint. Venule. in L. hos
 accusari. 12. §. omnibus de accus: Prohibe-
 bantur autem accusari jure Romanorum
 Magistratus maiores, quamdiu gerebant
 temporalem Magistratum. L. hos accusari.
 h. tit. qui tamen rectè postulantur rei,
 quamvis eorum accusatio cautione judi-
 cio sistendi causa facta, ex statuto Tiberii
 Cæsar is in finem honoris differtur. L. Si-
 adulterium 38. in fin. ff. ad L. Iul. de adult: Mul-
 to minus autem accusari possunt Magi-
 stratus summi, ut Pontifex & Imperator,
 tum quia superiore carent cotam quo ac-
 cusentur, tum quia qui illos judicat Deus
 est. L. hos accusari sup. idemq; dicendum de
 Legato Imperatoris vel Præsidis Provin-
 ciæ, de Legato Civitatis tempore sua le-
 gationis, item de iis qui Reipub: causa ab-
 sunt & non in fraudem legis, quia scilicet
 affectarunt, vel datâ operâ: ut L. hos accu-
 sare ff. de accus: de omnibus illis, qui in jus
 vocari non possunt, de quibus L. 2. 3. 4. 5. ff.
 de in

C. 1. de in ius voc: item de iis, quorum mentio sit.
 L. 2. ff. de judic: de mortuis, quia ad maius
 judicium vocati sunt, nam cum criminis
 morte extinguantur, meritò mortui accu-
 sari non possunt. L. 3. C. si pen: ap: mors inter-
 venerit. Unde nec filii pro parentibus pu-
 niendi rub. ne fil. pro parent. C. L. Sancim⁹. ex-
 ceptis quibusdam criminibus, ob quæ &
 in mortuos judicium exercetur, & eorum
 bona deferuntur in ærarium; ut in crimi-
 ne lœfæ Majestatis, & repetundarum per L.
 ex judiciorum. 20. de accusat: & aliis pluribus,
 quæ cumulat Gl: in L. ex judiciorum §. in u.
 Majestatis de accusat. An absentes etiam a-
 lio titulo quam Reipubl: causa accusari
 non possint? ETIAM L. absentem. 6. C. h. t.
 absentem. 5. ff. de pæn. Sed hoc sic intellige,
 quod contrà illos sic procedetur, scilicet,
 quod requiretur absens et si defuerit, bo-
 na illius annotabuntur ut cit. L. absentem.
 & si infra annum recuperabit bo-
 na, quæ annotata fuerint, & accusatori
 respondebit, si non veniat post annum,
 auditur ad sui defensionem, nec aliquod
 tempus apponi poterit, quo minus pos-
 sit se defendere, bona tamen sua non re-

T 4 cipiet,

cipiet, si sint à fisco annotata & occupata; aliás si per 20. annos fiscus non petat, nunquam petet. Item si moriatur infra annum, licet bona fuerint annotata crimen morte extinguitur, & bona venient ad successores. Qualiter autem requirendus reus sit & quid juris in talibus, habetur *ff. de rebus* *quir: reis absent.* L. 1. & 2. per totum. SED qualiter fiet annotatio bonorum? Respondere scribet Notarius omnia bona, scilicet quod domus, quod prædia, quod vineæ sint, & quod jugera, sicut habetur *ff. de censibus.* L. *forma.* Ratio porro cur absentes accusari non debeant, est: quod Judex ex Rei præsentia, vultu, aspectu, qualitate personæ, constantia, trepidatione, ex oculorum sermonisq; indicis in capitalis criminis cognitionem devenire debeat. ut benè *Canisius lib: 4. titul: 19.* Dico capitalis, quia si pecuniariam solùm pœnam crimen mereatur, poterit in absentem, si sapientius monitus per contumaciam absit procedi. L. *absent.* *ff. de pœnis.* de absolutis per sententiam, an & quando deferri possint dictum supra.

19. Suppositis verò quodammodo his,
qua

quæ de hac materia attulimus: inquirendi modò est circa debitum accusandi,
 pro quo D I C O certum esse de facto nunquam ferè privatum obligari determinante ad accusandum, ut bene Angelus in L. 1.
 C. ut nemo invit. accusar. cogat. cum malis omnibus sufficienter occurri possit vel per juridicam factam judici aut fiscalis denuntiationem, vel per simplicem querelam: ex quo cum Angelo censemus doctrinam S. Tho: 2. 2. q. 68. ar. 1. docentis aliquem ex præcepto teneri aliquando accusare, intelligendam esse, in casu, quod damnum intentatum ex speciali ratione procederet contra Rempub: quod aliâ ratione, puta simplici denuntiatione propulsari non possit, quia quisque tenetur, ut pars etiam cum detimento proprio consulere bono totius cum medio alias licito. D I X I ratione speciali, neq; enim doctrina nostra intelligenda est de peccatis, quæ pernicioſa sunt bono communi ex ratione quadam generali, quia scilicet alii possent accipere scādalum ad eadem perpetranda, nisi puniantur, ut sunt adulterium, fornicatio; uti neq; conclusio in-

T 5 te.li-

telligenda est de criminibus, quæ ratione
frequentia inferunt commune damnum
Reipub: ut quando quis sæpè furatur, oc-
cidit, hæc enim non ita immediatè & di-
rectè nocent Reipub: & facilius aliis viis
corriguntur: sed procedunt dicta in cri-
minibus exceptis, ut læsa Majestatis, per-
duellionis, schismatis, expilationis ærarii
publici, pravorum dogmatum, etiam si
occulta prorsus sint, & in judicio probari
non possint, quia ut dicemus *tit. seq. n. 14.*
accusatio tua in tali casu non tam tendit
in punitionem delicti, quam ad præca-
vendum damnum Reipub: aut commu-
nitatis: cuius bonum præponderat, bo-
no privato famæ delinquentis occulti.

20. A S S E R I M U S præterea quemli-
bet teneri accusare, aut reum denuncia-
re, quando, id est, necessarium ad impedi-
endum grave malum tertio imminens, &
sine magno damno accusator prestatre po-
test; quia Lex naturæ, & charitatis tali ca-
su urget: non tantum secularem, sed eti-
am Clericum & Religiosum esto reus ac-
cusandus foret de capitali crimine, ut be-
nè *Caitanus apud Sanch: lib. 6. consil. cap. 2.*
dub.

dub. 10. cui ius Ecclesiasticum certè non derogat cum irregularitatem Clerico imponit, qui morti alicuius causam dederit, & patet ex cap. *Prælatis de homicidio in 6.* idemq; est non obstante sigillo secreti naturalis, quia etiam secretum naturale contra bonum commune non obligat: imò esto juraveris secretum, quia juramentum non est vinculum iniquitatis. cap. *quando de jur.* & ut habet reg. 58. *jur. in 6.* iuramentum præstitum contra bonos mores obligatorum non est: sed quantum ad Clericos, observare debent, ut cum de malefactoribus conqueruntur in causa sanguinis, id faciat cum protestatione expressa se non intendere in vitam vel pœnam sanguinis, sed solum remedium malo comuni aut damno tertii aut etiam proprio (si in causa propria accusare velint) & compensationem injuriæ sibi illatæ. cit. cap. *Prælatis de homitidio in 6.* De cæteris quibusdam personis, quales sunt Fiscales, vigiles, Custodes, & hujusmodi dubium non est; quin debitum accusandi habeat, quando id necessarium est ad commune bonum: quia hi ex contractu promissio-

nis aut pacti obligationem justitiae in se
suscepereunt ad avertendum damnum per
diligentem custodiam, accusationem, vel
denunciationem.

21. VERUM an mortalem semper
culpam contrahant hujusmodi, quando
non denuntiant eos, qui contra leges hu-
manas peccant v. gr. quando non denun-
tiant deferentes arma certi generis, aut
non solventis gabellas, item transferentes
res prohibitas, ligna cädentes; pescantes,
venantes, Respondet Navarrus in Man. cap.
17. n. 122. in duobus saltem casibus ex-
fari à noxa mortali. 1. quando id facientes
advertunt facere extrema, aut necessitate
gravi compulsoſ; v. gr. si qui ligna cedit
id necessitate compellatur propter uſum
ſuæ familiæ; tunc officialis etiam juratus
non peccat, hujusmodi non denuntians,
quia lex humana non potest derogare
præcepto charitatis. 2. quādo delinuen-
tes ſunt consanguinei, cognati, vel affi-
nes, aut etiam amicitia arcta conjuncti, iis
qui leges hujusmodi condiderunt, quia
hi caſus intelliguntur excepti. Extra quos,
qui ex præsumpta licentia contra statuta
agunt

agunt, Navarrus docet sub gravi culpa
deferendos esse. An etiam publici huius-
modi Ministri ex officio suo ad accusan-
dum, vel denuntiandum obligati tenean-
tur in conscientia pœnam solvere, ad quam
damnaretur reus ille, aut delinquens, si
ipse officialis denuntiaret, aut accusaret?
Difficultas procedit de pœna pecuniaria,
non autem corporali, qualis est exilio, car-
ceris, verberum; de qua certum est ex
communi Doctorum non teneri. R E-
SPOND E O, probabile saltem videri ob-
ligari in conscientia Officiale ad eam
pœnam exsolvendam. 1. quia huiusmodi
pœna ex legibus solet applicari, vel Fisco,
vel alicui tertio, qui emit pœnas pecunia-
rias, ad quas solent delinquentes damna-
ri: vel alicui pio loco. Atqui tunc Offi-
cialis contra officium, & juramentum su-
um impedit, ne hi acquirant jus suum,
quod in pœnas habent; ergo. 2. si ipse
Iudex non condemnaret delinquentem
ad pœnam pecuniariam, quæ alicui tertio
applicanda est, qui suis pecuniis eam eme-
ret, profectò teneretur solvere eam pœ-
nam, quia ex neglectu officii sui damnum
intulit

intulit aetori; ergo. quia quicunque alterum injuste impedit, ne consequatur ius suum tenetur ad restitutionem, sed hujusmodi Officialis contra officium suum impedit, ne Fiscus vel alius poenam suam consequatur, ergo. Neque dicas 1. poenam nunquam deberi in conscientia ante Judicis sententiam. 2. Officialis solummodo violare justitiam legalem, non autem commutativam, cuius violatio tantum restitutionis obligationem inducit. Nam falsum est in Officialis solum esse violationem justitiae legalis, quia cum ad officium elitur, & ipse in electionem consentit, contractum celebrat virtualiter, ex vi cuius tenetur ad solvendum, quod patitur, vel communitas, vel pars, cui per leges illa poena applicata est, & consequenter debita: Ac ideo cum poena applicata Fisco sit, vel alicui tertio privato Officialis impediens, ne Fiscus, vel tertius non consequatur poenam delinquetis facit contra officium suum, & consequenter contra contractum in assumptione officii sui, quod est violare justitiam commutativam. Ad prius argumentum. Dico

in hoc

in hoc casu pœnam, non tantum habere rationem pœnæ, comparatione delinquētis, sed etiam rationem damni comparatione eius, cui pœna applicata est; DUBITATIO exoritur, an hujusmodi Officiales reos culpæ & restitutionis efficiant, qui se insidiosè occultant, ut liberiūs peccent alii, ut deinde ipsi ex insidiis prodeentes capiant eos? Videtur saltem probabile; quamvis probabiliūs videatur negandum, quando hujusmodi leges humanæ sunt purè pœnales: & ratio esse potest, quia tales Officiales ex vi officii sui constituti non sunt ad consulendum bono delinquentium, sed bono Reipub:

TITULUS III.

DE TERTIO MODO PROCEDENDI per Denunciationem.

C A S U S.

BAtteus Nolanus corrumperet ad defectionem populares studebat, gratificaturus Hannibali, cuius beneficio curatus, inter Cannenses sauius, & ex captivitate remissus ad suos erat.